

**Razvojna banka Federacije
Bosne i Hercegovine
v.d. predsjednik Uprave**

Broj: 8178-III/20
Sarajevo, 26.8.2020. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama Bosne i Hercegovine (*Službeni glasnik BiH broj 39/14*), člana 8. stav (2) tačka d) Pravilnika o uspostavljanju i radu Komisije za javne nabavke (*Službeni glasnik BiH broj 103/14*), preporuke Komisije za nabavke i Zapisnika o pregledu i ocjeni ponuda broj 8165-XI/20 od 25.8.2020.godine i člana 20. Statuta Razvojne banke Federacije Bosne i Hercegovine u postupku javne nabavke usluga-produženja licenci za Sophos antivirusno rješenje za potrebe Razvojne banke Federacije BiH za period od 24 (dvadesetčetiri) mjeseca, v.d. predsjednik Uprave donosi

ODLUKU

o izboru najpovoljnijeg ponuđača u postupku javne nabavke usluga - produženja licenci za Sophos antivirusno rješenje za potrebe Razvojne banke Federacije BiH za period od 24 (dvadesetčetiri) mjeseca

Član 1.

Prihvata se preporuka Komisije za nabavke iz Zapisnika o pregledu i ocjeni ponuda broj: 8165-XI/20 od 25.8.2020.godine i Ugovor za nabavku usluga-produženja licenci za Sophos antivirusno rješenje za potrebe Razvojne banke Federacije BiH za period od 24 (dvadesetčetiri) mjeseca dodjeljuje se ponuđaču INFONET d.o.o. Tuzla, ul. Mehmedalije Maka Dizdara br.26, 75000 Tuzla, kao najpovoljnijem ponuđaču u konkurentskom zahtjevu za dostavu ponuda.

Član 2.

Ukupna ponuđena cijena Ugovora iz člana 1. ove odluke, iznosi 18.460,00 KM bez PDV-a, što u konačnici, s uračunatim PDV-om, iznosi 21.598,20,00 KM.

Član 3.

Po okončanju roka za žalbu, ugovorni organ će sa izabranim ponuđačem zaključiti ugovor kojim će regulisati međusobna prava i obaveze.

Član 4.

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na svojoj web stranici www.rbfbih.ba istovremeno s upućivanjem iste ponuđaču koji je sudjelovao u ovom postupku.

Član 5.

Ova odluka stupa na snagu danom donošenja i dostavlja se ponuđaču koji je sudjelovao u postupku jayne nabavke, saglasno članu 71. stay (2) Zakona o javnim nabavkama.

OBRAZLOŽENJE

Odlukom o pokretanju postupka jayne nabavke nabavke usluga - produženja licenci za Sophos antivirusno rješenje za potrebe Razvojne banke Federacije BiH za period od 24 (dvadesetčetiri) mjeseca broj 7822-III/20 od 12.8.2020. godine, odobreno je pokretanje postupka predmetne nabavke za potrebe Razvojne banke Federacije BiH. Javna nabavka je provedena putem konkurentskog zahtjeva za dostavu ponuda, a kriterij za dodjelu ugovora je najniža cijena.

Procijenjena vrijednost nabavke iznosi 18.500,00 KM bez PDV -a.

Obavještenje o nabavci predmetne usluge objavljeno je na Portalu javnih nabavki dana 13.8.2020. godine, broj obavještenja: 1011-7-2-543-3-31/20.

Tenderska dokumentacija objavljena je zajedno sa navedenim obavještenjem.

Odlukom Ugovornog organa broj 2633-III119 od 29.3.2019. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da je evidentirana 1 (jedna) pravovremeno pristigla ponuda kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)	Ukupna cijena s PDV-om (u KM)
1.	INFONET d.o.o. Tuzla	21.08.2020. u 09:00 sati	18.460,00	0,00	18.460,00	21.598,20

Na osnovu izvršene analize i ocjene pristiglih ponuda, Komisija je utvrdila da je dostavljena ponuda prihvatljiva i ispunjava uslove i zahtjeve zahtijevane tenderskom dokumentacijom.


S obzirom da je tenderskom dokumentacijom predviđeno zakazivanje e-aukcije, a da je samo jedna ponuda prihvatljiva, imajući u vidu član 3. Pravilnika o uslovima i načinu korištenja e-aukcije (Službeni glasnik BiH broj 66/16) e-aukcija se ne može zakazati.

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima i uslovima iz tenderske dokumentacije.

Imajući u vidu sve prethodno navedeno, a prvenstveno da je ponuda ponuđača INFONET d.o.o. Tuzla, u iznosu 18.460,00 KM bez PDV-a prema kriteriju za izbor ponude (najniža cijena) ocijenjena prihvatljivom, te ispunjava uslove i zahtjeve predviđene konkurentskim zahtjevom za dostavu ponuda, primjenom člana 64. Zakona o javnim nabavkama stay (1) tačka b) i člana 70. stay (1), (3) i (6) Zakona o javnim nabavkama ("Službeni glasnik BiH", br. 39/14) odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 5 (pet) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.

v.d. predsjednik Uprave



Semir Fejzić
dr. sc. Semir Fejzić

Dostaviti:

-Učesniku u postupku- ponuđača INFONET d.o.o. Tuzla